

PSH.nr.910/20
913/20

PANELI SHQYRTUES, i emëruar nga Kryetari i OSHP-së, në bazë të nenit 105 dhe nenit 106 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, në përbërje të z. Blerim Dina – Kryetar , z. Nuhi Paçarizi - Referues, z. Goran Milenkovic – Anëtarë, duke vendosur sipas ankesës së parashtruar nga operatorët ekonomik: “Liri-Med”SH.P.K-Prishtinë, dhe OE: “Interlab”SH.P.K,-Prishtinë, kundër njoftimit për anulim të aktivitetit të prokurimit, lidhur me aktivitetin e prokurimit me titull: “Furnizim emergjent me material laboratorik për testim për SARS-COV-2”Lot 1 dhe Lot 2 , me nr. të prok: 206-20-3664-1-1-5, të iniciuar nga Autoriteti Kontraktues /AK/- “Ministria e Shëndetësisë”, më datën: 15.12.2020, mori këtë:

V E N D I M

I. HEDHEN SI TË PA LEJUARA, ankesat e operatoreve ekonomik: “Liri-Med”SH.P.K-Prishtinë, dhe operatorit ekonomik: “Interlab” SH.P.K,-Prishtinë, kundër njoftimit për anulim të aktivitetit të prokurimit , lidhur me aktivitetin e prokurimit me titull: “Furnizim emergjent me material laboratorik për testim për SARS-COV-2”Lot 1 dhe Lot 2 , me nr. të prok: 206-20-3664-1-1-5, të iniciuar nga Autoriteti Kontraktues /AK/- “Ministria e Shëndetësisë”,

II. VËRTETOHET, njoftimi për anulim , për aktivitetin e prokurimit me titull: “Furnizim emergjent me material laboratorik për testim për SARS-COV-2”Lot 1 dhe Lot 2 , me nr. të prok: 206-20-3664-1-1-5, të iniciuar nga Autoriteti Kontraktues /AK/- “Ministria e Shëndetësisë” , dhe anulohet në tërësi ky aktivitet i prokurimit, ndërsa nëse edhe më tutje AK-ja ka interes për të vazhduar më këtë aktivitet të prokurimit, të njëjtin mund ta Ritenderoj.

III. Autoriteti Kontraktues në afat prej 10 ditësh duhet ta informoj me shkrim Panelin Shqyrtues për të gjitha veprimet e ndërmarra lidhur me këtë aktivitet të prokurimit.

IV. Mos respektimi i këtij vendimi, detyron Panelin shqyrtues që konform dispozitave ligjore të nenit 131 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, të ndërmarr masa ndaj Autoritetit Kontraktues.

V. Me qenë se ankesat e operatorëve ekonomik ankues: “Liri-Med”SH.P.K-Prishtinë, dhe OE: “Interlab”SH.P.K,-Prishtinë, hedhen si te pa lejuara, i bëhet kthimi i tarifës së ankesës në shumën e deponuar me rastin e parashtrimit të ankesës.

VI. Obligohet operatori ekonomik ankues që konform nenit 33 pika 6 të rregullores së punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën ju bëhet konfiskimi i depozitës dhe këto mjete kalojnë në Buxhetin e Republikës së Kosovës.

A R S Y E T I M

Operatorët ekonomik ankues: “Liri-Med”SH.P.K-Prishtinë, dhe OE: “Interlab”SH.P.K,-Prishtinë, si palë të pa kënaqura kanë deponuar ankesë në OSHP, me 09.11.2020 me nr. 910/20 , dhe me datë 10.11.2020 me nr. 913/20 , kundër njoftimit për anulim të aktivitetit të prokurimit, lidhur me aktivitetin e prokurimit me titull: “Furnizim emergjent me material laboratorik për testim për SARS-COV-2”Lot 1 dhe Lot 2 , me nr. të prok: 206-20-3664-1-1-5, të iniciuar nga Autoriteti Kontraktues /AK/- “Ministria e Shëndetësisë” duke pretenduar se:

- Autoriteti kontraktues ka vepruar në kundërshtim me nenin: 1 , 6 , 7 , 59 , 60 , 62 , 64 , 67 , , si dhe nenin 69 të LPP-së , dhe nenin 44.5 të RRUOPP-së, te ankesa me nr. 910/20.
- Autoriteti kontraktues ka vepruar në kundërshtim me nenin: 1 , 7 , si dhe nenin 59 të LPP-së , te ankesa me nr. 913/20.

Organi Shqyrtues i Prokurimit, konfirmon nenit 113 dhe 114 të LPP-së me datë: 13.11.2020, ka autorizuar ekspertët shqyrtues të prokurimit për të shqyrtuar vlefshmërinë e të gjitha pretendimeve të palëve ankimore.

Eksperti shqyrtues-teknik i prokurimit në raportin e dt: 01.12.2020, lidhur me pretendimin ankimore të OE-ankues sqaron si në vijim:

PËRGJIGJE NË PRETENDIMET ANKIMORE TË OE ANKUES : “Liri-Med”SH.P.K-Prishtinë,

Përgjigje në Pretendimi nr. 1

Lidhur me pretendimin ankimor të OE ankues Liri-Med-gjegjësisht arsyen e eliminimit të tij, eksperti shqyrtues teknik sqaron se me ankesë të paraqitur në OSHP , operatori ekonomik ka ofruar edhe katalogun për pozicionet të cilat janë kontestuar nga ana e AK-së për shkak të mungesës së specifikimit teknik. Eksperti shqyrtues teknik sqaron se (ashtu siç pretendon OE Liri-Med) në dosje të tenderit nuk është kërkuar specifikacioni teknik ndaras nga katalogu, andaj vlerësojmë se në mungesë të katalogut të OE Liri-Med, AK në pajtim me nenin 39 të RRUOPP-së ka mund të kërkoj sqarime shtesë nga OE. Bazuar në gjitha këto u cekën më lart vlerësojmë se pretendimi ankimorë i OE ankues Liri-Med është i bazuar dhe rekomandojmë që gjatë rivlerësimit AK-MSH të marr parasysh sqarimet e ofruara nga OE ankues Liri-Med.

PËRGJIGJE NË PRETENDIMET ANKIMORE TË OE ANKUES: “Interlab”SH.P.K,-Prishtinë,

Përgjigje në Pretendimin nr. 1

Pas shqyrtimit të ankesës dhe analizimit të ofertës të OE ankues Interlab, eksperti shqyrtues teknik vlerëson se sa i përket artikujve me ; nr. 1.4, nr. 1.5, nr. 1.7, nr. 1.8, nr .1.31, nr. 1.32, nr. 1.35 janë në pajtim me kërkesat e dosjes së tenderit. Ndërsa për artikujt nr. 1.10 dhe 1.11 transpor case (kuti transportuese) OE Intelab i ka ofruar me dimensione më të mëdha se që janë kërkuar në dosje të tenderit. Për pozicionet nr. 1.22 dhe nr. 1.24 OE ankues ka ofruar produkt me vëllim më të madh se që është kërkuar në dosje të tenderit, për poz. 1.22 është kërkuar vëllim 20-22 litra ndërsa OE ka ofruar 23litra. Ndërsa për pozicionin 1.24 është kërkuar vëllim 6 litra ndërsa OE ankues ka ofruar produktin me vëllim 7 litra. Bazuar në këto që u cekën më lart, eksperti teknik dhe ai shqyrtues vlerësojnë se ankesa e OE Interlab është pjesërisht e bazuar.

Mendimi i ekspertit shqyrtues

Duke u bazuar në sqarimet e lartpërmendura, eksperti teknik dhe eksperti shqyrtues i propozon panelit shqyrtues që ankesa e OE-e Liri-Med të aprovohet si e bazuar, ndërsa ankesa OE Interlab të aprovohet si pjesërisht e bazuar.

Organi shqyrtues i prokurimit i ka njoftuar palët me datë: 03.12.2020 me raportin e ekspertizës.

Autoriteti Kontraktues, ka kthyer përgjigje si me poshtë:

From: Berat Marmullaku <Berat.Marmullaku@rks-gov.net>
Sent: 14/Dec/20 13:37

To: OSHP <oshp@rks-gov.net>; Blerim Dina <Blerim.Dina@rks-gov.net>; Ardian Behra <Ardian.Behra@rks-gov.net>
Cc: Ardian Mehmetaj <Ardian.Mehmetaj@rks-gov.net>; Ismet Hyseni <Ismet.Hyseni@rks-gov.net>
Subject: RE: 906-907-909/20 eksp

Te nderuar,

Po ju shkruaj me kërkesë të menaxhmentit të MSh-se në lidhje me dy lendet emergjente për të cilat janë dhënë ekspertizat:

- *“Furnizim emergjent me aparaturë dhe pajisje laboratorike për testim molekular dhe serologjik për Covid 19” – Lot 1, 2 dhe 3 , me nr. të prokurimit: 206-20-3665-115*
- *“Furnizim Emergjent me material laboratorik për testim për SARS-COV-2 ” Lot 1 dhe 2 , me nr. të prokurimit: 206-20-3664-115*

Duke marrë parasysh se jemi në fund të vitit dhe është me rëndësi planifikimi buxhetor për 2021, mundësisht ti trajtoni me prioritet këto lende dhe ta kemi një epilog.

P.S.
Vendimet paraprake të OSHP-se janë dhënë për Ritenderimin e tyre, ndërsa pas ekspertizave pasuese, nësi AK-MSh pjesërisht jemi pajtuar me mendimet e eksperteve.

Me respekt,
Berat Marmullaku
Zyrtar për punë dhe shërbime të konsulencës
Divizioni i Prokurimit, MSh
[Tel:zyre: +381\(0\) 200 24-136](tel:+381020024136)

From: Berat Marmullaku
Sent: Monday, November 30, 2020 2:36 PM
To: OSHP <oshp@rks-gov.net>; Blerim Dina <Blerim.Dina@rks-gov.net>; Ardian Behra <Ardian.Behra@rks-gov.net>
Cc: Ardian Mehmetaj <Ardian.Mehmetaj@rks-gov.net>; Ismet Hyseni <Ismet.Hyseni@rks-gov.net>
Subject: RE: 906-907-909/20 eksp

Te nderuar,

Si AK – MSh e kemi pranuar ekspertizën e dhënë nr. 906-907-909/20, dhe në bazë të konsultimeve brenda MSh-se, e konfirmojmë se pjesërisht pajtohemi me mendimin e eksperteve shqyrtues, konkretisht nësi AK – MSh pajtohemi që Lot 2 dhe Lot 3 të kthehen në Rivlerësim, ndërsa Lot 1 të anulohet sipas Vendimit paraprak të OSHP-se.

Arsya kryesore e këtij rekomandimi është se gjatë procesit të kësaj lende janë blerë pasqisje të tilla edhe nga Banka Botërore, andaj Lot 1 me vlerë më të madhe do të ishte barrë e madhe buxhetore për vitin e ardhshëm 2021.

Me respekt,
Berat Marmullaku
Zyrtar për punë dhe shërbime të konsulencës

Operatori Ekonomik: "Liri-Med" SH.P.K.-Prishtinë, me datë 03.12.2020, me anë të parashtresës ka njoftuar OSHP-në, se pajtohet me mendimin e ekspertit shqyrtues.

Operatori Ekonomik: "Interlab" SH.P.K.-Prishtinë, me datë 08.12.2020, me anë të parashtresës ka njoftuar OSHP-në, se pajtohet pjesërisht me mendimin e ekspertit shqyrtues.

Përsëritet të nderuar, shpresoj të jeni mirë me shëndet. Ne si operator ekonomik ankues pajtohemi pjesërisht me ekspertizën e pranuar me datë 03.12.2020. Nuk pajtohemi me mendimin e ekspertit shqyrtues për artikujt 1.10, 1.11, 1.22, dhe 1.24, pasi që ne kemi ofruar produkte me vëllime dhe dimensione me të mëdha e cila lejohet plotësisht sipas LPP-së që të ofrohet produkte ekuivalente ose me të avancuara se ato të kërkuara, në këtë rast për artikujt nr. 1.10 dhe nr. 11 kuti transportuese ne kemi ofruar produkt që ka hapësirë me të madhe për transportim të mostrave për Covid 19. Ndërsa për artikujt 1.22 dhe 1.22 ne kemi ofruar shportë për hedhjen e mbeturinave të rrezikshme e cila është kërkuar 22 litra dhe 6 litra, ndërsa ne kemi ofruar shporta që ka hapësirë me të madhe për mbeturina, në këtë rast 23 litra dhe 7 litra. E kjo gjë është plotësisht në përputhje me LPP-në. Ne si OE pajtohemi që lënda të kthehet në rivlerësim. Me respekt.

Seanca dëgjimore është mbajtur me datën: 15.12.2020, pa praninë e palëve konform nenit 24.1 të Rregullores së OSHP-së, e ku janë shqyrtuar shkresat e lëndës duke e bërë kontrollimin dhe analizimin e dokumentacionit për procedurën e prokurimit i cili përbëhet nga: autorizimi i inicimit të aktivitetit të prokurimit, njoftimi për kontratë, procesverbali mbi hapjen e ofertave, vendimi mbi themelimin e komisionit të vlerësimit të ofertave, raporti i vlerësimit të ofertave, njoftimi për anulim të aktivitetit të prokurimit, ankesa e operatorit ekonomik, raporti i ekspertit teknik të prokurimit dhe të gjithë parashtresat e palëve në procedurë.

Paneli Shqyrtues sqaron se lidhur me këtë aktivitet të prokurimit kemi të bëjmë me ankesa të përsëritura ku palët janë të njëjta po ashtu dhe pretendimet janë të njëjta,

Paneli Shqyrtues sqaron se në bazë të nenit 16, par. 3 i Rregullores së punës nr. 01/2020 të Organit Shqyrtues të Prokurimit, kemi të bëjmë me çështje të gjykuar.

Pra, par. 3 i nenit 16 të kësaj Rregullore përcakton rastet e unifikuara, ku thuhet:

"Në rastet e përsëritura me pretendimet e njëjta ankimore, kur objekti i kontestit dhe palët janë të njëjta, për raste të cilat janë shqyrtuar më parë, kryetari i panelit shqyrtues duhet të trajtoj si çështje të gjykuar "res judicata", sipas nenit 105.2.16 të LPP-së".

Paneli Shqyrtues duke pasur parasysh ecurinë e këtij aktiviteti të prokurimit dhe vendimit të Panelit Shqyrtues PSH.nr.622-627/20, sqarimeve të ekspertit shqyrtues/teknik, vjen në përfundim se autoriteti kontraktues ka vazhduar me vlerësimin e ofertave në kundërshtim me vendimin PSH.nr.622-627/20 sepse përmes këtij vendimi është anuluar ky aktivitet i prokurimit dhe është udhëzuar AK që nëse ka interes akoma për këto furnizime, të njëjtin tender mund ta ri tenderoj. Andaj, obligohet AK që të anuloj këtë aktivitet të prokurimit në pajtim me nenin 62 të LPP-së pasi që tanimë ekziston një vendim i OSHP-së për anulimin e këtij aktiviteti të prokurimit. Në të kundërtën, AK e obligon Panelin Shqyrtues që të ndërmerr masa konform LPP-së.

Paneli shqyrtues konform nenit 117 të LPP-së, si dhe duke u bazuar në provat e prezantuara si më lart vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala pakënaqur me kërkesëpadi mund t'i drejtohet Gjykatës themelore-Departamentit për çështje Administrative në afat prej 30 ditësh nga data e pranimi të këtij vendimi.

Kryesuesi i Panelit Shqyrtues
Z. Blerim DINA



Vendimi t'i dorëzohet:

- 1x1 /AK/ - "Ministria e Shëndetësisë",
- 1x1 / OE/ - "Liri-Med"SH.P.K-Prishtinë, dhe OE: "Iterlab"SH.P.K-Prishtinë,
- 1x1 Arkivës së OSHP-së;
- 1x1 Për publikim në ueb- faqe të OSHP-së.